



UNIVERSITÄTS-
BIBLIOTHEK
PADERBORN

Fasti Mariani

Brunner, Andreas

Antverpiæ, M.D.C XXX III.

B. Torrellvs C. 16. Martii.

[urn:nbn:de:hbz:466:1-70962](https://nbn-resolving.org/urn:nbn:de:hbz:466:1-70962)

ex cælo in orcum) præcepit ivit. Iam publica infamia & scopulus audiebat castitatis, cum ostento divinitus objecto ABRAMIVS draconem vidit immani rictu columbam incautam deglutire, qui tamen mox medius ruptus aëri & libertati pavidam redderet. Hoc viso animatus, cum & fugam lapsa, & reditum resipiscentis non malus vates ominatus esset, ingenium ecce exerit, & id ætatis senex militem induit atq; urbem petit. Hic qui L. ipsos annos vinum nec libaverat, conviviū instruit, mensæ neptem adhibet, quæque ad hilaritatem faciunt, omnia facit pius auceps. Mox tamen captatâ in tempore occasione, quis sit, aperit, cur venerit, exponit. Tum verò verbis DEO plenis aggreditur, & primò mirari, deinde nutare, tum cedere, demum manus dare Mariam cogit. quid multis? ad columbaria Eremi reducit. Quid ibi, ais, colūba capta? nempe gemuit, *Ex vitis PP.*

B. TORRELLVS C. 16. Martii.

PETrum videre te alterum puta, cum TORRELLVM vides. Nam & hic forte fortunâ gallum in humeros involantem, tertioque cantantem audivit, fleuit, resipuit, & ex Veneris, cui meliorem ætatem devoverat, mancipio cæli delictum factus, quidquid pauculis annis in urbe peccavit, LX. omnino annis

annis inter silvas damnavit. In his civiū illi frequentia arbores, tectum cælum, vestis setosum porci corium, arma, quibus in se utebatur, catena ferrea, dilicia panis & fons, cubile terra, pluma farmenta, cervical lapis fuere. Sic quoq; non nisi tres horas somno, reliquum omne noctis lacrimis transcripsit, tunc etiã credo à gallo expergefactus, Veneris flammam vel vepribus suffocavit, vel gelidã extinxit. Sportulam lautam unctamq; cū Papiensis Comes in Bacchanalia submisisset, hospiti eam servaturū se promisit, is ursus fuit, qui è manu Divi coenavit, dignissimus Bacchanalibus hospes. Atq; huic prædam cū lubens volens concessit, sed non perinde lupo puerum. Eripuit enim hunc, pœnamq; lupis omnibus illuc morantibus exilium indixit. Atq; hoc est, cur exuli Senensi (cui reditum in patriam impetravit cælo jam receptus) cū Divi effigiem penes se habere hic percuperet, visendum se cum lupo gremium premente præbuerit. Porro TORRELLVS moriturus Angelum habuit monitorē. Sciò habere eum tu quoque percuperes. Et verò nisi aures claudis, hodie habes. *Ex Ferrar. & Chron. Min.*

S. HERIBERTVS E. 16. Mart.

Splendorem D. HERIBERTI, quo sive in aulâ Otton, Imp. III, sive Pontifi-